


Hierodëshmor Pangrati i Tavromenisë



E enjte, 9 korrik 2026 – Shenjtori i ditës.

Hierodëshmor Pangrati i Tavromenisë. Dëshmorët Andrea dhe Provi. Hierodëshmor i ri Metodi.

– HIERODËSHMOR PANGRATI I TAVROMENISË (TAORMINAS) –

Që në moshë të re prindërit e tij të pasur dhe të mirë e morën nga atdheu i tyre, Antiokia, dhe u pagëzuan të tre bashkë në Jerusalem. Pasi ata ndërruan jetë, Pangrati u bë eremit në një shpellë të Pontit, në veri të Asizë së Vogël. Apostull Petro (29 qershor) duke kaluar prej andej e mori për bashkëpunëtor të tij në Antioki dhe në Kiliki, ku takuan apostull Pavlin (29 qershor). Të dy korifejtë (ose njëri prej tyre) e dorëzuan atë episkop të Tavromenisë (sot Taormina) në Sicili, ndërsa shën Markianin (30 tetor) e dorëzuan episkop të Sirakuzës. Të dy hierarkët, të lidhur shpirtërisht që nga ai moment, lundruan në Siçili.

Atëherë Pangrati ndriçoi shumë idhujtarë në ishull, si dhe qeveritarin e tij, Bonifatin, për hir edhe të mrekullive të tij: I bënte idhujt të rrëzoheshin në tokë ose të binin në det, ndërsa demonët rrëfyen se kishte ardhur Perëndia i madh dhe i vërtetë.

Shenjtë, që ishte muzikant shumë i shquar, kur meshoi për herë të parë në kishën që ndërtoi për një muaj, të gjithë idhujt e Tavromenit u rrëzuan. Shëronte të sëmurët dhe të demonizuarit, urtësonte mendjelehtët. Paratha për fitore kundër pushtuesve dhe i mundi, duke ngritur kundër tyre një kryq dhe dy ikona. Vetëtinte sidomos kur vishte stolitë klerikale dhe, kur nuk meshonte, i hiqte, që njerëzit t'i

afroheshin pa u trembur.

Paranjohu fundin e tij, që erdhi kur smirëzinjtë, heretikët mondanë kurdisën linçimin e tij, në kohën kur nuk ishte Bonifati. Trupin e tij e vendosën në arkivol të florinjte, por në vizion kërkoi që ta varrosnin thjesht, sepse asnjëherë në jetën e tij nuk e deshi floririn. Pra, arkivoli u hap dhe lipsani i bukur pa asnjë shenjë plage, lëshoi erë miro. Atletizimin (martirizimin) e tij e parashikoi në Romë Petroja. Kremtohet edhe më 9 tetor me shën Markelin e Sicilisë, i cili atëherë quhej babai i hierodëshmorit tonë. Nxënëset e tij ishin virgjëreshat e martirizuara në zjarr, Esia e Suzana (7 qershor). Pangrat, greqisht do të thotë: i gjithëpushtetshëm.

* * * * *

– HIERODËSHMOR I RI METODI –

Shën Metodi në fillim ishte igumen i manastirit të Të Patrupëve në dioqezën e Amarionit në Kretë dhe pastaj u bë episkop i Lappas. Kundërshtoi dhunimin e të drejtave të Kishës nga myslimanët dhe u denoncua te autoritetet turke nga igumeni i manastirit të Farantonit, i cili kërkonte të kishte kontroll edhe mbi manastirin e Amarionit. E torturuan në mënyrë çnjerëzore dhe hierarku i shenjtë mori kurorën e martirit më 9 korrik 1793.

[Kisha Orthodhokse Autoqefale e Shqipërisë](#)